



## Sud Bosne i Hercegovine

## Суд Босне и Херцеговине

Broj: Su-08-265/20

Datum: 28.10.2020. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda Bosne i Hercegovine broj: Su-08-264/20 od 28.10.2020. godine u otvorenom postupku javne nabavke računarske opreme i opreme za prenos podataka za **LOT 8 Monitor** – JRJN 30231000-7, donosim

**ODLUKU**

o izboru najpovoljnijeg ponuđača za nabavku računarske opreme i opreme za prenos podataka za **LOT 8 - Monitor**

**član 1.**

Prihvata se preporuka Stalne komisije za javne nabavke Suda Bosne i Hercegovine (u daljem tekstu: Komisija), broj: Su-08-264/20 od 28.10.2020. godine i Ugovor za nabavku računarske opreme i opreme za prenos podataka za **LOT 8 – Monitor** - oznaka i naziv iz JRJN: 30231000-7 (kompjuterski ekrani), dodjeljuje se ponuđaču "**EMADO**" d.o.o. Sarajevo, sa sjedištem na adresi Azize Šaćirbegović 112, sa ponudom broj: 290920 od 29.09.2020. godine za ponudenu cijenu od **1.680,00 KM** bez PDV-a.

**član 2.**

Ugovor o nabavci dostaviti će se na potpis izabranom ponuđaču "**EMADO**" d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

**član 3.**

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje svim ponuđačima koji su učestvovali u postupku u skladu sa članom 70. stav (6) Zakona o javnim nabavkama.

**član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka nabavke opreme po lotovima broj: Su-08-178/20 od 24.08.2020. godine. Javna nabavka je provedena putem otvorenog postupka za dostavu ponuda broj: Su-08-192/20, a procijenjena vrijednost javne nabavke računarske opreme i opreme za prenos podataka za LOT 8 – Monitor je 1.700,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-1-36-3-18/20 od 03.09.2020. godine zajedno sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke računarske opreme i opreme za prenos podataka za LOT 8 – Monitor. Komisija je blagovremeno i pravilno izvršila javno otvaranje ponuda dana 01.10.2020. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku.

Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da su blagovremeno pristigle ukupno četiri (4) ponude (ELUR d.o.o., ROBERT'S PLUS d.o.o., EMADO d.o.o., KODEKS d.o.o.), da nije bilo neblagovremeno zaprimljenih ponuda; da su ponude ponuđača EMADO d.o.o. i ROBERT'S PLUS d.o.o. ocijenjene prihvatljivim u skladu sa tenderskom dokumentacijom dok su ponude ponuđača ELUR d.o.o. i KODEKS d.o.o. ocijenjene neprihvatljivim jer su oba ponuđača dostavili tehničku specifikaciju opreme koja ne ispunjava kvalifikacione uslove koji su traženi tačkom 9. tenderske dokumentacije.

Za ovaj postupak je predviđena e-aukcija. Sve prihvatljive ponude (EMADO d.o.o., ROBERT'S PLUS d.o.o.), su unesene na web portal javnih nabavki BiH "e-nabavke", e-aukcija je zakazana dana 16.10.2020. godine, a održana dana 20.10.2020. godine sa početkom u 14.00 sati i završetkom u 14.30 sati. U toku e-aukcije nije bilo podnošenja novih ponuda. Nakon završetka e-aukcije sa web portala javnih nabavki BiH "e-nabavke" kreiran je izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača "EMADO" d.o.o. Sarajevo sa cijenom od 1.680,00 KM bez PDV-a dok je drugorangirana ponuda ponuđača "ROBERT'S PLUS" d.o.o. Sarajevo sa cijenom od 1.699,30 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač "**EMADO" d.o.o. Sarajevo** izabran primjenjujući kriterij najniže cijene koja je ponudena u iznosu od **1.680,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### **POUKA O PRAVNOM LIJEKU:**

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

